

SECZIUN PEZ AULT

PROTOCOL DALLA RADUNONZA GENERALA
DILS 28-01-2011
ELL' USTRIA PUNT CRAP A DEGEN





Tractandas

1. Beinvegni ed elecziun da dus dumbravuschs
2. Approbaziun dil protocol dalla radunonza generala ordinaria dils 29-01-2010 e dalla radunonza da secziun dils 01-05-2010
3. Approbaziun dil rapport annual dil president
4. Approbaziun dil rapport annual dil cau da tgira
5. Approbaziun dil rapport annual dil cau dil stan da sittar
6. Rediment da quen dil cassier, rapport e proposta dils revisurs ed approbaziun dil quen annual
7. Fixaziun dalla contribuziun annuala
8. Prender conclus sur da propositas per mauns dalla radunonza da delegai dall'uniun cantunala (BKPJV)
9. Elecziun dils delegai dalla secziun per il cuoz dad in onn
10. Ordinaziun dil reglament da sittar. Conclusiuns sur da midadas dil reglament.
11. Approbaziun dil program annual
12. Elecziuns per ina perioda da dus onns: actuar, cau dil stan da sittar, in revisur da quen ed in substitut sco era la cumissiun da tgira.
13. Honoraziuns / Mutaziuns
14. Varia

1. Beinvegni

Allas 20.00 uras fa nies president Boris Caduff a tuts presents in cordial beinvegni tier nossa radunonza generala. In spezial beinvegni va als survigiladers da catscha Gion Derungs, Arnold Caminada e Gieri Derungs.

La radunonza ei vegnida convocada ad uras, entras l'invitaziun e la gliesta da tractandas, ch' ein vegnidas tarmessas tier e publicadas el Fegl Ufficial.

Ei dat neginas objecziuns ni cumpletaziuns enviars la gliesta da tractandas, aschia ch' ella vegn approbada.

Nies president declara la radunonza per aviarta.

Nies president lai zircular la gliesta da presenza e menziunescha d' indicar era l' adressa d' E-Mail per aschia el futur schar ir la corrispondenza sur internet per spargnar cuosts.

Presents ein questa sera 36 personas.

Perstgisas: Zievi Derungs, Gioni Capaul, Iso Caduff, Jgnaz Caduff, Nicolaus Blumenthal, Lucas Halter, Diego Casanova, Sep Casanova, Gabriel Casanova, Anton Derungs, Isidor Derungs, Rico Casanova, Dario Caduff, Livio Blumenthal, Roland Casanova.



Eleccziun da dus dumbravuschs

Sco dumbravuschs vegnan Gian Marco Casanova e Luis Caduff proponi ed elegi unanimamein.

2. Approbaziun dil protocol dalla radunonza generala ordinaria dils 29-01-2010 e dalla radunonza da secziun dils 01-05-2010

Cunquei che omisdus protocols ein vegni farmess tier ensemen cun l' invitaziun ha mintga commember giu la pusseivladad da prender investa dils tals aschia ch'els vegnan buca prelegi, mo sch' enzatgi giavischa ei. Tuts van d'accort cun la proposta da nies president.

Approbaziun dils protocols:

Nies president metta il protocol dils **29-01-2010** en discussiun. Negin fa objecziuns ni completaziuns partenent il protocol. Il protocol vegn approbaus unanim.

Era il protocol dils **01-05-2010** vegn mess en discussiun. Negin fa objecziuns ni completaziuns partenent il protocol. Il protocol vegn approbaus unanim.

Nies president engrazia a Maurus per sia lavur ed el sa prender encunter in applaus.

3. Approbaziun dil rapport annual dil president

Rapport dil president a caschun dalla radunonza generala dils 28-1-2011

Preziadas catschaduras, preziai catschadurs

Igl onn da secziun 2010 ha entschiet cun ina midada ella suprastonza. Suenter la demissiun da Bernhard Rossi havein nus legravlamein anflau cun Natali in rutinau successur. Natali ha purtau bia niev elan en nossa suprastonza. Tiels ulteriurs commebers dalla suprastonza ha ei dau neginas midadas aschia che nus havein astgau agir sco team rutinau.

Nus dalla suprastonza empruein adina puspei da dar novs impuls all'uniun ed era igl onn vargau havein nus empruau da far entginas pintgas midadas. A mi ha ei fatg plascher da ellaborar las novas ideas, da discussiunar sur da avantatgs e dischavantatgs da quellas ensemen cun mes consuprastonts e da suenter metter entuorn quellas.

A mi eis ei clar che buca tut nossas ideas plein adina a tuts. Denton manegiel jeu che nus tuts dalla suprastonza essan adina aviarts per ina discussiun constructiva. Aschai lessel jeu appellar a vus tuts. Sche vus haveis enzatgei che disturba vus encurri il discuors cun nus e fagei buca il pugn en sac. Jeu selegrel adina sur da novas ni autras ideas che portan vinvon la secziun.

Onn da Secziun

L'emprema occurenza, ch'ei vegnida menada atras igl onn vargau, ei era uonn stau il gi da tgira che ha giu liug igl 1-5-2010! Sur da quei gi vegn Adrian aunc ad informar en siu rapport pli detagliau!

Il suentermiezdi digl 1. da matg ha era nossa tradiziunala radunonza da secziun giu liug el stan da sittar. Sunter in referat da Peter Meile fetg intresant sco preparar trofeas havein nus priu las parolas per la radunonza da delegai dil BKPJV. Quella radunonza ha giu liug ils 8 da matg a Grono. Deplorablamein havein nus saviu prender part cun mo 3 delegai a quella radunonza.

Sco usitau han nies tir intern giu liug miez uost. Cun far entginas midadas el regalment essan nus vegni dad augmentart uonn ill diember da tiradurs sin 62 partiziponts.

Era ils exerchezis da sittar ein stai frequentai fetg bein uonn. Ei ha era uonn puspei mussau che fetg biars catschadurs prendan la caschun da far part a nos exerchezis el stan da sittar a Bual.

Igl onn 2010 havein nus per l'emprema ga menau atras in campinadi da trenament. Igl ei vegniu sittau sin la schiba dil piertg selvadi cun la valetaziun da 100. 19 Tiradurs han fatg part sediamain a quei ti intern. Il steh sil piertg ei vegnius sittaus entuorn 60 gadas!

Nies niev cau dil stan ha menau atras 22. da matg 2010 in di da lavur cumina tiel stan da sittar. Sur da las lavurs fatgas vid ils stan vegn Natali aunc ad informar en detagl en siu rapport.

Cun nus havein baghegiu il stan a bual ha la secziun survegniu la parzella en dretg da bageghiar dalla vischnaunca da Vella per nuot. La secziun ei denton obligada da far mintg'onn lavur da tgira sil



terren da Vella per 50 uras da persuna. Igl onn 2010 havein nus saviu dar giu in rapport da 87.5 uras da persunas. Las biaras uras ein vegnidas prestadas al gi da tgira d'atun. Lu havein nus era endrizzau ed allontanau las barricadas per la zona da ruas egl uaul da Vella. A tut las persunas che han segidau per contonscher quellas uras lessel jeu far in cordial engraziment en num dalla secziun.

Sco decidiu dalla davosa radunonza generala havein nus uonn per l'emprema ga menau atras in gi da tgira igl atun. Il gi ha giu liug ils 30. d'october 2010. La partizipaziun a quei gi ei stada cun rodunt 20 catschadurs plitost mediocra. Jeu manegiel denton che nus havein astgau prestar buna lavur quei di. Ord mia vesta ei in gi da tgira igl atun fetg adataus per far lavurs da preparaziun pigl unviern. Ord quei motiv manegiel jeu che nus dessan star davos nosa decisiun dalla davosa radunonza ed era uonn menar atras in tal gi. Jeu quentel naturalmein sin mintgin da vus e sperel ch'igl diember da partiziponts s'augmenta uonn in bien ton.

La fin november ha nosa tradiziunala sera familiara giu liug a Lumbrein. Nus havein astgau guder ina fetg biala ed emperneivla sera en collaboraziun cun la musica da Lumbrein. Jeu mangiel che nus vegnin da dar cun nos premis principals la patenta da catsch'aulta e la patenta da catscha bassa dils quals ch'ei vegn mintgamein tratg la sort ina certa tensiun a quella sera. Mei persunalmein ha il teater che entginas da nossas catschaduras e entgins catschaduras han presentau legrau fetg. In cordial engraziament a tut quels che han fatg la bregia da presentar quei legher toc ed era da prender la peda da prender part era als exersezis.

Nossa davosa occurenza ei stau il marcau da Daniev a Degen. Uonn hevein nus puspei inaga menau in stan da quei marcau. Ils temas ch'ei vegni presentai ein stai informaziuns sur dil secunterer dallas sevaschinas igl unviern en cumbinaziun cun informaziuns sur da nossas novas zonas da ruas. In unlaterir tema che nus havein presentau ei stau co ch'ins deuss secunterner sin via per evitar accidents e tgei ch'ei da far sch'in accident capeta tuttina. Igl echo tier nies stan ei staus fetg positiv e aravontut la glied dalla bassa ei s'intresada fetg per ils differents temas. Jeu manegiel ch'igl ei gartegiu a nus da mussar il catschadur inagada d'in'otra vart.

Naturalmein ha nosa bar era buca astgau muncar dil marcau. Sch'ins mira sil gudogn lu astgein nus segir era uonn cuntents cun nosa lavur dil marcau. In cordial engraziament lessel jeu admetter a tut quels che han segidau segi ei vid il stan ni davos la bar. Engraziel fetg a vus per la lavur.

Lu astgel jeu aunc communicar ina fetg legrevla nova. La secziun Pez Ault ha uonn 9 novs candidats ch'ei s'annunzai per far igl examen da catscha. Ei ha legrau mai zun fetg che suenter in per onns maghers cun paucs ni negins candidats che tons giuvens han priu quella deziuns ed jeu sperel era che quei dat puspei novs impuls a noss'unium

Sco fazit sur dil davos onn da secziun: Igl ei stau in onn fetg intressant per mei ed jeu magiel che las midadas che nus havein emprua da far han era giu succes.

Sche la lavur vegn fatga en in team che funcziunescha e che trai vid la medema suga la va lavur bia pli lev. Aschia lessel jeu buca munghentar d'engraziar a mes collegas da suprastanza Pascal, Adrian, Maurus e Natali per la lavur prestada egl onn 2010.

A vus catschaduras e catschadurs giavischel jeu tut bien pil 2011 e naturalmein igl atun bia cletg sin nosa biala catscha Grischuna.

Sursaissa, schaner 2011

il president

Boris Caduff

Suenter siu rapport dat il president il plaid al vice president Maurus per l'approbaziun dil rapport. Il rapport vegn approbaus cun applaus. Maurus engrazia a Boris per siu rapport, nies president sa aunc inagada prender encunter in applaus sco segn d' engraziament per sias breigias.

4. Approbaziun dil rapport annual dil cau da tgira

Rapport dil cau da tgira

Preziadas catschaduras, preziai catschadurs



Egl onn 2010 havein giu nies gi da tgira igl 1. da matg. Cun vies agid havein prestau rodund 150 uras da lavur quei gi. Cunquei che la pesca ha gest entschiet quei gi ha ei dau entginas uras pli pauc che egl onn 2009. Miez matg ei vegniu fatg sin giavisch da nies surveglader Arnold Caminada tgira sil territori da Vrin. Leu havein giu bien 60 uras da lavur. Il meins uost eis ei vegniu segau las Plauncas vi Camuns. 10 uras da lavur. **Total 305 uras tgira.**

Sco giu decidiu alla radunonza generala havein fatg niev il 2010 in secund gi da tgira. Quel ha giu liug a Vella, per tuts quel che han priu part. (lavur communabla) Prestau bunas 85 uras.

Lavurs fatgas ils gis da tgira

Tagliar ora caglias, tener liber praus e pastira, plantar viaz ora Scansins, segar las Plauncas vi Camuns. Biotob Uresa ha il cau da tgira sez segau entuorn e fatg si la seiv per che la biestga mondi buca lien. **Quelas lavurs portan a nossa secziun bien 2690.- frs.**

Candidats

Igl onn 2010 ha la secziun Pez Ault giu negins candidats novs!

Pigl onn 2011 ein 9 candidats s' ennuozai tier la secziun Pez Ault pigl examen da catscha.

Alig Martin Vrin, Arpagaus Dario Uors/Lumnezia, Caduff Dario Degen, Caduff Ivo Vella, Camenisch Simon Morissen, Casanova Reto Vrin, Casanova Gian Vattiz, Collenberg Beat Morissen, Laffer Philipp Michel Basel. (nossa concurenza) Ad els in cordial beinvegni en nossa secziun.

Tgira 2011: Ils gis da tgira 2011 han liug **ils 7 da matg ed ils 29 d' october 2011.**

Il cau ed la cumissiu da tgira han annunziu pigl onn 2011 lavurs da tgira per **rodund 3800.- frs.**

Ulteriuras informaziuns e program da lavur suondan cugl invit al gi da tgira.

Sco finiziu da miu rapport lessel admetter a Vus tuts in cordial engraziament per tut las uras che Vus metteis a disposiziun en favur da noss' uniun. Seigi quei cun far tgira ni autras lavurs. Alla cumissiu da tgira engraziel per la buna colaboraziun e lur bien sustegn enviars mei.

In cordial engraziament ad Oscar Casaulta che ha demissiu nau siu uffeci ella cumissiu da tgira per la vischnaunca da Lumbrein.

Niev en la cumissiu da tgira ei Marco Casanova da Lumbrein.

Jeu giavischel a Vus tuts per la catscha 2011 bien cletg, suczess e che tuornies tuts sauns e cuntents a casa.

cun amicabels salids

il cau da tgira

Adrian Casanova

Nies presient engrazia ad Adrian per sia fetg gronda lavur prestada. Cunquei chei dat neginas autras damondas pli vegn il rapport dad Adrian approbaus unanim. Adrian sa prender encunter in applaus per sias breigias e fetg buna lavur prestada.



5. Approbaziun dil rapport annual dil cau dil stan da sittar

Stimai consuprastonz
preziai presents

Per igl onn 2010 astgel jeu conzeder ina buna collaboraziun cun suprastonza, sco era cun ils commembers cha han priu part a nossas occurenzas.

Las lavurs en connex cun nies stabiliment da sittar han dau dapli lavur che quei ch' era planisau, e mia peda per l' organisaziun ei stada empau sminuida.

En ina cuorta illustraziun dundel a Vus ina survesta digl onn passau ed enquala novaziun per igl onn vegnent.

I Punct: Sco empermess haiel jeu menau duas cassas, ina per l' ustria e l' altra per il menaschi da sittar. L' ustria ha purtau entradas da frs. 2357.60.- Menaschi da sittar inclusiv contribuziun per sittar frs. 6688.- Quei ein contribuziun per sittar ein stadas 212 gadas (1060.-frs). Campiunadi da trenament ei vegniu sittau 73 gadas (365.-frs.)

II Punct: Muniziun: jeu haiel memia bia muniziun en reserva! Daco ei quei aschia? Jeu haiel constatau ch' ei vegn sittau differentas sorts muniziun, cargau dils catschadurs, la muniziun Martget ed autras sorts. Per quei mia proposta nus havein la suandonta muniziun vinavon a Vossa disposiziun RWS (Vollmantel), RWS (Teilmantel), GP 11, Rotweil 3.5 per la lieur che vegn era duvrada per il tir

La muniziun GR spezial ei puspei a disposiziun, denton vulessel jeu pustar quella muniziun, sco era autras sorts mo sin empustaziun e naturalmein cun ina reducziun sco tochen da cheu.

Schibas: per reducir ils quosts da material da schibas haiel jeu priu si contact cun ils responsabels tier la Polytronic. Els han confirmau a mi ei dat pusseivladads da far midadas, details saiel jeu aunc buca dar concret. Jeu quentel da saver informar Vus en la radunonza da primavera en deteils per saver prender in conclus sche quei vegn giavischau.

III Punct: Lavur cumina: sco igl onn vargau dat ei puspei differentas lavurs. Jeu sperel che miu temps lubeschi da organisar ina sonda u l' altra per far lavur cumina e quentel puspei cun Vies agid.

Quei aschi lunsch miu rapport jeu engraziel a Vus per tutta lavur prestada. Per damondas stundel a Vossa disposiziun.

Vella, ils 25 da schaner 2011

il cau stan da sittar.

Natali

Nies president engrazia a Natali per sia fetg buna lavur prestada. Il protocol vegn approbaus unanim. Natali sa prender encunter in applaus per sias breigias e fetg buna lavur prestada.

6. Rediment da quen dil cassier, rapport e proposta dils revisurs ed approbaziun dil quen annual

Il cassier Pascal Casanova presenta il quen annual. Il quen annual digl onn 2010 siara giu cun entradas da frs. 17'437.50 ed expensas da frs. 14'850.10 aschia seresulta in gudogn da frs. 2'587.40. La hipoteca per il stan da sittar ils 31.12.2010 munta aunc a frs. 10'000. Tier il tir intern ha noss' uniu fatg in gudogn da frs. 2'248. La sera da catschadurs a Lumbrein ha purtau ina sperdita da frs. 278.00. La bar dil marcau Daniev ha purtau in gudogn da frs. 2'187.45.



Il revisur da quen Marcel Casanova menziunescha, che Maurus Arpagaus ed el hagian controllau il quen annual. Il quen ei vegnius menaus schuber ed en uorden e che tut ils mussaments necessaris ein avon maun. Marcel dat aunc in cuort sclariment sur dalla midada dalla cefra dalla valetta GVG da nies stan da sittar. Marcel fa era la proposta a nies cassier da prender en niev el quen annual la valeta dalla muniziun che resta anavos a nus sur unviern. Plinavon menziunescha Marcel da era indicar el quen annual il mobiliar da nies stan da sittar egl inventar cun ina valetta da fr. 1.-, per aschia buca schar ir en emblidanza nies agen. Nies cassier Pascal menziunescha ch' el seigi prompts da prender en quellas midadas per l' auter onn. Marcel engrazia a Pascal per sia fetg buna lavur.

Nies president vul tier ina emprema votaziun l' approvaziun dil quen 2010 e tier ina secunda votaziun schar votar sur dallas indicaziuns supplementaras per il quen annual 2011 sco el ei vegnius proponius dils revisurs da quen.

Marcel Casanova propona, el num dils revisurs, d' approbar il quen. Sinaquei vegn **il quen digl onn 2010 approbaus unanim.**

Tier ina secunda votaziun ei vegniu decidiu da menar il quen l' auter onn sco quei ch' ils revisurs han fatg la proposta. **Votaziun unanim persuerter.**

Pascal sa era prender encunter in applaus per sias breigias e fetg buna lavur prestada.

7. Fixaziun dalla contribuziun annuala

Nies president metta cuort avon co las contribuziuns annualas semettan ensemen.

La suprastonza fa la proposta da far neginas midadas, pia:

Commembers A	100.-
Commembers B	55.-
Commembers passivs	40.-

Propostas ord las retschas dils commembers dat ei neginas.

Quellas propostas vegnan approbadas sco suonda:

Commembers A	cun grond pli
Commembers B	cun grond pli
Commembers passivs	cun grond pli

Pius Casanova menziunescha che nos commembers libers (vegliadetgna sur 70 onns ni commemoradi da sur 25 onns en nossa secziun) dessan tuttina pagar la taxa per nies stan da sittar ch' ei integrada tier nus en ils 100.-fr. dalla contribuziun annuala. Nies cassier menziunescha sin damonda ch' ei setracta da ca. 20 persunas. Pius menziunescha ch' ei vegn mintgonn pli e pli biars da nus vitier. Nies president constatescha ch' en las statutas ein ils tals deliberai semplamein dalla contribuziun cantunala e dalla secziun. Nies president fa la proposta che la suprastonza vegn ad elaborar quella damonda sin la proxima radunonza.

8. Prender conclus sur da propostas per mauns dalla radunonza da delegai dall' uniun cantunala (BKPJV)

Nies president declara che tenor statutas ston propostas vegnir dadas giu a scret alla suprastonza sil pli tard 10 gis avon la radunonza generala. Neginas propostas ein vegnidadas inoltradas. E demai che negin vul prender il plaid en caussa, passa nies president tier la proxima tractanda.



9. Elecziun dils delegai dalla secziun per il cuoz dad in onn

Noss' uniun sa tarmetter 4 delegai alla radunonza da delegai dil BKPJV (ina radunonza) e tier las radunonzas dallas uniuns unidas, 3 delegai (3 radunonzas).

Nies president fa la proposta ch'ei vegn surdau sco ils davos onns **la competenza alla suprastonza da metter si ils delegai**. Nies president damonda tuttina sch' enzatgi stess a disposiziun sco delegau. Quei ei buca el cass, la **proposta vegn approvada unanim**.

10. Ordinaziun dil reglament da sittar. Conclusiuns sur da midadas dil reglament

Demai che la suprastonza ha fatg entginas midadas vid il reglament da sittar tier il davos tir intern, ein quellas midadas vegnidadas ussa sin radunonza generala.

Nies president declara ch' il reglament dil BKPJV lei liber in grond spazzi per midadas tier ils stehs dallas secziuns.

Niev el reglaments da catscha aulta:

- da buca pli dar ora cartas da valetta per ils tals che han contuschiu il resultat pretendiu, mobein mo pli pagar ora bar.
- Discussiun: plirs commembers prendan il plaid, tier ina votaziun approximativa che nies president ordinescha ein ils biars per la varianta da pagar ora bar .
- La proxima midada ei il alzament dil resultat sin 49 puncts, perquei ch' ei astga vegnir sittau tschentau si. Tier resultats medems vegn rangau igl εμπrem quel che setta liber, lu il total da muschas, lu las muschas sil cavriel e lu la vegliadetgna.
- Era la midada ch' ins sto mo pli esser 3 enstagl 4 per far ina gruppa metta nies president avon, ei dat neginas discussiuns en caussa.

Tier la votaziun ei vegniu votau persunter, neginas vuschs encunter.

Campiunadi:

Era tier il campiunadi vegn buca pli dau ora las cartas da valetta, mobein pagau ora en bar. Ei vegn votau persunter, neginas vuschs encunter.

Catscha bassa:

Era tier il ste da catscha bassa vegn ei buca pli dau ora cartas da valetta mobein vegn pagau ora en bar. Ed era cheu datti mo pli 3 persunas per gruppa.

Pius Casanova fa aunc la proposta da prender ora quei da „ohne Zuschläge“ che vegn menziunau sut in reglament.

Neginas discussiuns. Ei vegn votau pèr, encunter negin.

Nies president fa attents ch' ins astga sittar mo la muniziun che vegn dada giu dil stan (tier la lieu).

Nies president fa aunc ina votaziun da schar votar per tut las midadas dil reglament dil tir intern, il grond pli ei persunter, encunter negin.



11. Approbaziun dil program annual

Program pigl onn 2011

28-01-2011 Radunonza generala
16-02-2011 2. radunonza da delegai dalla JSRS
26-02-2011 Radunonza dils presidents
20-04-2011 3. radunonza da dalegai dalla JSRS
07-05-2011 Gi da tgira dalla primavera e radunonza da secziun
21-05-2011 Radunonza da delegai dil BKPJV
matg-november: Trenament da sittar
13-08-2011 Tir intern
29-10-2011 Gi da tgira d'atun
26-11-2011 Sera familiara cun presentaziun da trofeas
07-12-2011 1. radunonza da dalegai dalla JSRS
27-12-2011 Marcau Daniev

-Trenament da sittar

Nies trenament da sittar entscheiva uonn schon il matg declara nies president, quei era per porscher a nos numerus candidats in buna pussevividad da trenar sin ils examens da sittar. Nies president informescha pli detagliau sur dil program alla radunonza da secziun.

-Tir da secziun

Nies president fa la proposta alla radunonza generala da far nies tir intern tut en in gi, la sonda, cun rangaziun la medema sera. Suandonts puncts plaidan per quella midada:

-dapli gudogn per l' uustria.

-pli paucas rangaziuns stunchenteivlas tier la sera familiara.

-promover la cumpignia.

Pius Casanova prenda il plaid e fa la damonda, con attractiva che nossa sera familiara seigi lu aunc sche nus prendein naven la rangaziun dil tir. Nies president declara che la patenta, il premi prinzipal vegness tuttina tratg ora per dalla sera familiara. Differents prendan il plaid.

Nies president fa la **votaziun per in gi, 21** ein persunter, **per dus gis** ein **3** persuenter.

Nies president metta en votaziun per far la rangaziun il medem gi sil stan, ni dalla sera familiara? Il grond pli ein per far la rangaziun alla sera familiara.

Il program digl onn vegn approbaus cun grond pli.

12. Elecziuns per ina perioda da dus onns: actuar, cau dil stan da sittar, in revisur da quen ed in substitut

Actuar:

Sco actuar vegn **Maurus Demont reelegius** cun applaus.

Cau dil stan da sittar:

Sco cau dil stan da sittar vegn **Natali Lombris reelegius** cun applaus.

Revisur da quen:

Sco revisur da quen vegn **Maurus Arpagaus reelegius** cun applaus.

**Substitut revisur da quen:**

Sco suppleant revisur da quen vegn **Gioni Capaul reelegius** cun applaus.

Cumissiu da tgira:

midadas dat ei tier il responsabel dalla vischnaunca da Lumbrin.

Niev vegn per Oscar Casaulta, **Marco Casanova elegius**.

Ilis auters funcziunaris per la cumissiu da tgira vegnan **reelegi en globo**, quei ein:

per Vignogn e vice cau da tgira, **Gian Marco Casanova**; Cumbel e Morissen, **Andriu Camenisch**;

Degen, **Stefan Caduff**; Suraua, **Bruno Solèr**; Vella, **Lucas Halter**; Vrin, **Richard Lombris**.

nies president engrazia a tut ils funcziunaris per la lavur prestada

13. Honoraziuns / Mutaziuns

Cun quei che las honoraziuns ein gia succedidas dalla sera familiara menziunescha nies president mo las mutaziuns

Entradas: Albert Lombris, Landquart; Manuel Solèr, Pitasch (commember B)

omis dus vegnan elegi cun applaus sco commembers novs.

Extradas: Carlo Tuena, Bonaduz; Giusep Cantieni, Vella (commember B); Bernhard Rossi, Laax (mo secziun); Claudio Bühler, Glion (mo secziun)

Mortoris: Robert Caduff, Degen; Barclamiu Lombris, Cuera; Heinrich Weishaupt, Degen.

Il president supplichescha tut ils presents da star sin peis per in cuort memento en memoria da nos camerats.

Noss' uniun dumbra 168 commembers ils 31-01-2011:

Commembers A = 155; Commembers B = 10; Commembers passivs e fauturs = 3.

14. Varia

Nies president informescha sur suandonts puncts:

-Project hotel a Vella.

Nies president informescha sur da quei project, che vegness en cass d' ina baghegida ev.a dislocar e remplazzar nies stan da sittar. Pius damonda per cons onns che nus vein il contract cun la vischnaunca. Natali declara che nus vein en el contract per 50 onns, ed en cass ch' il stabiliment vegness sin giavisch dalla vischnaunca dislocaus, sto el vegnir remplazzaus cumpleinamein.



-Tgi che ha interess dad ir alla radunonza da delegai dil BKPJV a Lenzerheide sa s' annunziar suenter la radunonza tier nies president.

-Nies president informescha cuort sur dalla iniziativa d' armas ed appelescha da metter in "na" en l' urna. Nies president ha semtgau in feagl d' informaziun en caussa per quels che han interess.

-Exposiziun da catscha e pesca
dils 4-2-2011 tochen ils 6-2-2011 a Cuera

Nies president dat il plaid a Luis Caduff che fa reclama per la secziun Bostg che festivescha uonn in onn da giubileum. Luis metta avon alla radunonza il program da fiasta.

negin auter prenda il plaid.

Allas 22.00 uras siara nies president la radunonza

Vella, ils 5 da fevrer 2011

il president:

Boris Caduff

.....

igl actuar:

Maurus Demont

.....